

Na osnovu člana 33. i 34. Zakona o principima lokalne samouprave u Federaciji Bosne i Hercegovine („Sl. novine FBiH“ br. 49/06) i člana 41. Statuta općine Visoko („Sl. glasnik općine Visoko“ br. 4/99 i 6/99), Općinsko vijeće Visoko na sjednici održanoj dana, 24.02.2007. godine, donosi

ODLUKU

o osnovama i kriterijima za utvrđivanje i davanje olakšica pri plaćanju naknade za pogodnost korištenja građevinskog zemljišta i naknade za uređenje gradskog građevinskog zemljišta na području općine Visoko

Član 1.

Ovom Odlukom utvrđuju se osnovi i kriteriji za davanje olakšica pri plaćanju naknade za pogodnost korištenja građevinskog zemljišta i naknade za uređenje gradskog građevinskog zemljišta na području općine Visoko.

Član 2.

Pravo na olakšice u skladu sa ovom Odlukom mogu koristiti pripadnici boračkih populacija i to:

- a) Invalidi 100 % 1. i 2. kategorije, dobitnici najvećih ratnih priznanja i njihovi pravni sljedbenici, djeca šehida i poginulih boraca bez oba roditelja, porodice sa dva ili više šehida, poginulih boraca,
- b) Invalidi 90 % (III grupa), porodice šehida i poginulih boraca,
- c) Invalidi 80 % (IV grupa),
- d) Invalidi 70 % (V grupa),
- e) Invalidi 60 % (VI grupa),
- f) Invalidi 50 % (VII grupa), demobilisani borci koji su proveli najmanje dvije godine u Armiji BiH i nalaze se na evidenciji nezaposlenih lica.

Član 3.

Pravo na olakšice lica iz člana 2. Odluke mogu ostvariti pod slijedećim uslovima:

- Lice koje ima prebivalište na području općine Visoko,
- Lice koje podnosi zahtjev za izgradnju stambenog objekta,
- Lice koje podnosi zahtjev za izgradnju stambeno-poslovnog objekta (poslovni objekat površine do 50 m²),
- Lice koje prvi puta rješava stambeno pitanje.

Član 4.

Lica-pripadnici boračkih populacija plaćaju naknade utvrđene članom 1. ove Odluke na sljedeći način:

a) Invalidi 100 % 1. i 2. kategorije, dobitnici najvećih ratnih priznanja i njihovi pravni

sljedbenici, djeca šehida, poginulih boraca, bez oba roditelja, porodice sa dva ili više šehida i poginulih boraca – 5 % iznosa od naknade utvrđene rješenjem nadležne općinske službe

b) Invalidi 90 % (III grupa), porodice šehida i poginulih boraca – 10 % iznosa od naknade utvrđene rješenjem nadležne općinske službe,

c) Invalidi 80 % (IV grupa) – 20 % iznosa od naknade utvrđene rješenjem nadležne općinske službe,

d) Invalidi 70 % (V grupa) – 30 % iznosa od naknade utvrđene rješenjem nadležne općinske službe,

e) Invalidi 60 % (VI grupa) – 40 % iznosa od naknade utvrđene rješenjem nadležne općinske službe,

f) Invalidi 50 % (VII grupa), demobilisani borci koji su proveli najmanje dvije godine u Armiji BiH i nalaze se na evidenciji nezaposlenih lica – 50 % iznosa od naknade utvrđene rješenjem nadležne općinske službe.

Član 5.

Status pripadnika boračke populacije, kao i ispunjavanje uslova utvrđenih članom 3. ove Odluke lica dokazuju uvjerenjem izdatim od nadležne općinske službe ili nadležnog ministarstva.

Član 6.

Ako je upravni postupak pokrenut pred nadležnom Općinskom službom, a do dana primjene Odluke nije doneseno rješenje ili je rješenje prije toga bilo poništeno i predmet vraćen prvostepenom organu, za navedene kategorije lica, postupak će se nastaviti po odredbama ove Odluke.

Član 7.

Ova Odluka stupa na snagu osmog dana od dana objavljivanja u „Službenom glasniku općine Visoko“.